

戴東原先生著



考工記圖

籀石山館藏板

考工記圖序

戴君東原始爲考工記作圖也圖後附以已說而無注  
乾隆乙亥夏余初識戴君奇其書欲付之梓遲之半載  
戴君乃爲余刪取先後鄭注而自定其說以爲補注又  
越半載書成仍名曰考工記圖從其始也戴君語余曰  
昔丁卯辰閒先師程中允出是書以示齊學士次風  
先生學士一見而歎曰誠奇書也今再遇子奇之是書  
可不憾矣戴君深明古人小學故其考證制度字義爲  
漢已降儒者所不能及以是求之聖人遺經發明獨多

詩三百尚書二十八篇爾雅等皆有撰著自以爲恐成  
書太早而獨於考工記則曰是亞於經也者考證雖難  
要得其詳則止矣余以戴君之說與昔儒舊訓參互校  
覈轂末之軹明其當作軒不得與輿人之軹轡二名溷  
淆今字書併軒字無之車人徹廣六尺以鬲長車廣當  
相等兩轅之間六尺旁加輻內六寸輻廣三寸纓寸合  
左右凡二尺則大車之徹亦八尺字譌八爲六弓人膠  
三鐫一弓之膠不得過兩有十銖二十五分銖之十四  
正其當爲三銖此皆記文之誤漢儒已莫之是正者後

鄭謂軫與後橫木戴君乃曰軾人言軾閒左右名軾之  
證也加軾與轆弓長庇軾軾方象地前後左右通名軾  
之證也軾人任正衡任鄭以當軌與衡而謂軌爲輿下  
三面材輅式之所對戴君乃曰此爲下當兔圍輅圍發  
其意也若輅式之所對宜記於輿人今軾人爲之殆非  
也鄭以戈胡句倨外博爲胡上下戴君曰此不宜與已  
倨已句字義有異鄭引許叔重說文解字及東萊稱證  
鋟鈞數同戴君乃曰鋟之假借字作琬鈞之假借字史  
記作率漢書作選伏生尚書大傳作饌數小大相縣合

爲一未然也戟刺長短無文鄭氏旣未及賈公彥云蓋  
與胡同六寸戴君則曰戈一援戟二援也中直援名刺  
與枝出之援同長七寸有半寸刺連內爲一直刃通長  
尺有二寸猶夫戈之直刃通長尺有二寸也桃氏爲劒  
中其莖設其後鄭訓設爲大謂從中已後稍大之戴君  
曰不當與設其旋設其羽之屬異義後謂劒環在人所  
握之下故名後與劒首對稱矣鍾之鉦閒無文鄭以爲  
與鼓閒六等而合舞廣四爲鍾長十六戴君乃曰鍾自  
鉦至鉦自鉦至舞斂綢以二準諸句股灋鉦閒八鉦閒

亦八是爲鍾長十六舞者其上覆脩六廣四蓋鍾羨之  
度不當在鍾長之數玉案以承棗桌莫詳其制戴君引  
枅禁及漢小方案定其有四周而局足廬人句兵欲無  
彈刺兵欲無蝟鄭皆訓之爲掉戴君讀彈如妃壇之壇  
轉掉也蝟搖掉也其所以補正鄭氏注者精審類如此  
他若因嘉量論黃鍾少宮因玉人土圭匠人爲規識景  
論地與天體相應寒暑進退晝夜永短之理辯天子諸  
侯之宮三朝三門宗廟社稷所枉詳明堂不與夾室之  
制申井田溝洫之灋觸事廣義俾古人制度之大暨其

禮樂之器昭然復見於今茲是書之爲治經所取益固鉅然戴君不喜馳騁其辭但存所是又畧又於輶人龍旂鳥旟之屬梓人箕虛車人大車羊車之等圖不具其言曰思而可得者微見其端要留以待成學治古文者之致思可也斯誠得論著之體矣余獨慮守章句之儒不知引伸膠執舊聞沾沾然動其喙也是以論其大指以爲之序首河閒紀的撰

考工記圖自序

立度辨方之文圖與傳注相表裏者也自小學道湮好古者靡所依據凡六經中制度禮儀覈之傳注旣多違誤而爲圖者又往往自成詁詘異其本經古制所以日就荒謬不聞也舊禮圖有梁鄭阮張夏侯諸家之學失傳已久惟聶崇義三禮圖二十卷見於世於考工諸器物尤疏舛同學治古文辭有苦考工記難讀者余語以諸工之事非精究少廣苟要固不能推其制以盡文之奧曲鄭氏注善矣茲爲圖翼贊鄭學擇其正論補其未

遠圖傳某工之下俾學士顯白觀之因一卷書當知古  
六書九數等儒者結髮從事今或皓首未之聞何也休  
寧戴震

考工記圖上

休寧戴震

國有六職百工與居一焉或坐而論道或作而行之或  
審曲面勢以飭五材以辨民器或通四方之珍異以資  
之或飭力以長地財或治絲麻以成之坐而論道謂之  
王公作而行之謂之士大夫審曲面勢以飭五材以辨  
民器謂之百工通四方之珍異以資之謂之商旅飭力  
以長地財謂之農夫治絲麻以成之謂之婦功

與音預  
勢同

長竹  
丈反

注作起也辨猶具也

辨辨古  
今字

鄭司農云審曲面勢審

考工記圖上  
察五材曲直方面形勢之宜以治之及陰陽之面背  
是也春秋傳曰天生五材民並用之謂金木水火土  
也

粵無鑄燕無函秦無廬胡無弓車粵之無鑄也非無鑄  
也夫人而能爲鑄也燕之無函也非無函也夫人而能  
爲函也秦之無廬也非無廬也夫人而能爲廬也胡之  
無弓車也非無弓車也夫人而能爲弓車也

鑄音博廬  
魯吳反說

文作簠

大音扶

注鑄田器鄭司農云函鎧也廬謂矛戟柄竹櫜秘

知者創物巧者述之守之世謂之工百工之事皆聖人之作也爍金以爲刃凝土以爲器作車以行陸作舟以行水此皆聖人之所作也天有時地有氣材有美工有巧合此四者然後可以爲良材美工巧然而不良則不時不得地氣也橘踰淮而北爲枳鸚鵡不踰濟貉踰汶則死此地氣然也鄭之刀宋之斤魯之削吳粵之劒遷乎其地而弗能爲良地氣然也燕之角荊之榦姁胡之筈吳粵之金錫此材之美者也天有時以生有時以殺草木有時以生有時以死石有時以泐水有時以凝有

時以澤此天時也

知音智剗剗占字通榦古旱反俗作榦舛扶云反笱讀爲橐泐音劫澤音

釋

注榦柘也可以爲弓弩之榦舛胡胡子之國在楚旁  
笱矢榦也鄭司農云泐謂石解散也夏時盛暑大熱  
則然

凡攻木之工七攻金之工六攻皮之工五設色之工五  
刮摩之工五搏埴之工二攻木之工輪輿弓廬匠車梓  
攻金之工築冶鑄鑄段桃攻皮之工函鮑鞞韋裘設色  
之工畫績鍾筐幌刮摩之工玉柳雕矢磬搏埴之工陶

旂刮古八反搏音博埴時職反桌俗作栗鮑書或作鞞  
匹學反鞞音運幌莫黃反柳側筆反旂從瓦方聲甫

反固

注攻猶治也搏之言拍也搏釋文有團搏二音團音當手旁專搏音手旁專絕

然二字譌溷莫辨鄭注搏之言拍取音聲相邇爲訓拍古音滂各反釋名云拍搏也手搏其上也又云搏博也四指廣博亦侶擊之也據此定從博音埴黏土也梓榎屬也

有虞氏上陶夏后氏上匠殷人上梓周人上輿故一器而工聚焉者車爲多車有六等之數車軫四尺謂之一等戈秘六尺有六寸既建而迤崇於軫四尺謂之二等人長八尺崇於戈四尺謂之三等笄長尋有四尺崇於

人四尺謂之四等車戟常崇於父四尺謂之五等酋矛常有四尺崇於戟四尺謂之六等車謂之六等之數以

氏反

注此所謂兵車也八尺曰尋倍尋曰常父長丈二戈

父戟矛皆插車轡車轡外設扁戈鄭司農云池謂著

戈於車邪倚也

凡察車之道必自載於地者始也是故察車自輪始凡

察車之道欲其樸屬而微至不樸屬無以爲完久也不

微至無以爲戚速也樸音剝反屬章

欲反戚盛同

注樸屬猶附著堅固貌也齊人有名疾爲戚者春秋  
傳曰蓋以操之爲已蹙矣鄭司農云微至謂輪至地  
者少言其圓甚著地者微爾著地者微則易轉故不  
微至無以爲戚數

輪已崇則人不能登也輪已庳則於馬終古登阨也

爾反

阨丈

注已太也甚也齊人之言終古猶言常也阨阪也輪

庳則難引

故兵車之輪六尺有六寸田車之輪六尺有三寸乘車

之輪六尺有六寸

乘繩  
證反

注此以馬大小爲節也兵車革路也田車木路也乘

車玉路金路象路也

據巾  
車言

兵車乘車駕國馬田車駕

田馬

六尺有六寸之輪軹崇三尺有三寸也加軫與轅焉四

尺也人長八尺登下以爲節

軹當作軹音符  
轅輶同博木反

注鄭司農云轅謂伏兔也元謂軹轂末也此軫與轅

并七寸田車又宜減焉

補注轂末之軹故書本作軹

并聲讀如簪符之符轂  
從車讀如簪符之符轂

末出輪外侶筭出髮外也

軒字見大馭注杜子春改爲軛

軛軛軌軌

四字經傳中往往譌溷先儒以其所知改所不知於

是經書字書不復有軛字矣

說具釋車

輪人爲輪斬三材必以其時三材既具巧者和之轂也者以爲利轉也輻也者以爲直指也牙也者以爲固抱也輪敝三材不失職謂之完

牙讀如牙

注材在陽則中冬斬之在陰則中夏斬之今世轂用雜榆輻以檀牙以檀也鄭司農云牙謂輪輻也世閒或謂之罔

望而眡其輪欲其悞爾而下池也進而眡之欲其微至

也無所取之取諸圜也

悞莫歷反

注輪謂牙也悞均致貌也微至至地者少也非有他

也圜使之然也

望其輻欲其掣爾而纖也進而眡之欲其肉稱也無所

取之取諸易直也

掣音朔纖纖通稱尺證反

注掣纖殺小貌也肉稱宏殺好也

補注輻有鴻有殺侶人之臂掣故欲其掣爾而纖不

擁腫也許叔重說文解字曰掣人臂貌

徐鍇云人臂稍長纖好也

攢好手貌詩曰攢攢女手

今毛詩作攢傳云  
摻摻猶攢攢也

望其轂欲其𦣻也進而𦣻之欲其幬之廉也無所取之

取諸急也

𦣻當作輓古今本反說文云周禮  
曰望其轂欲其輓幬徒到反

注𦣻出大貌也幬幔轂之革也革急則裏木廉隅見

補注說文輓齊等貌齊等者不撓減也轂欲其輓則

榦木圓甚不宜又有廉隅以革幬轂欲廉廉之言斂

也負榦斂約也

如珍而撓  
廉之廉

𦣻其綬欲其蚤之正也

綬音餽蚤  
爪古字通

注蚤當爲爪謂輻入牙中者也鄭司農云綬謂輪算

也元謂輪雖算爪牙必正也

疏云凡造車輪皆向外算向外算則車不掉

補注輻上端入轂中用正柄下端入牙中用偏柄令

牙外出不與輻股骹參值是爲綬綬之言偏算也蚤

正謂衆輻齊平雖有綬之減

綬參分寸之二

蚤皆均正也

察其蓄蚤不齟則輪雖敝不匡

蓄側吏反齟五構反

注蓄謂輻入轂中者也蓄與爪不相侔乃後輪敝盡

不匡刺也

補注人齒侔戾曰齟凡物刺起不平曰匡

凡斬轂之道必矩其陰陽陽也者稹理而堅陰也者疏

理而柔是故以火養其陰而齊諸其陽則轂雖敝不歆

歆之忍反  
歆音稿

注矩謂刻識之也稹致也火養其陰炙堅之也歆歆

暴

減下曰歆  
虛起曰暴

陰柔後必撓減幬革暴起

轂小而長則柞大而短則擊

柞同竿莊百反  
擊同隄魚剗反

注鄭司農云柞謂輻閒柞狹也

補注擊者車行危隄不安

是故六分其輪崇以其一爲之牙圍

注六尺六寸之輪牙圍尺一寸

參分其牙圍而漆其二

注不漆其踐地者也漆者七寸三分寸之一不漆者三寸三分寸之二令牙厚一寸三分寸之二則內外  
面不漆者各一寸也

梲其漆內而中誦之以爲之轂長以其長爲之圍

注六尺六寸之輪漆內六尺四寸是爲轂長三尺二寸圍徑一尺三分寸之二也鄭司農云梲者度兩漆之內相距之尺寸也

補注大車短轂取其利也兵車乘車田車暢轂取其

安也六尺六寸之輪轂長三尺二寸則車行無危隍  
之患圍亦三尺二寸以建三十輻則輻閒無柞狹之  
患周三尺二寸者徑尺有五分寸之一弱鄭注用六  
觚之率周三徑一約計大數爾非圓率也

今算家圓率定於祖

沖之隋書律歷志曰古之九數圓周率三圓徑率一其術疏舛宋末南徐州從事史祖沖之更開密法以圓徑一億爲一丈圓周盈數三丈一尺四寸一分五釐九豪二秒六忽正數在盈胸三丈一尺四寸一分五釐九豪二秒六忽正數在盈胸二限之閒密率圓徑一百一十三圓周三百五十五約率圓徑七周二十二

以其圍之防捐其藪

捐音簫藪素口反

注捐除也防三分之一也鄭司農云藪讀爲蜂藪之

數謂轂空壺中也元謂此數徑三寸九分寸之五壺

中當輻蓄者也

疏云車轂之濇其孔必大頭寬小頭狹當輻入處謂之數寬狹處中而已

蜂數者猶言趨也數者衆輻之所趨也

補注捎空轂中如壺然所以受軸以密率計之徑三寸五分寸之二弱

五分其轂之長公一以爲賢公三以爲軹

公起呂反軹當作軹

注鄭司農云賢大穿也軹小穿也元謂此大穿徑八

寸十五分寸之八小穿徑四寸十五分寸之四大穿

甚大似誤矣大穿實五分轂長公二也公二則得六

寸五分寸之二凡大小穿皆謂金也今大小穿金厚

一寸則大穿穿內徑四寸五分寸之二小穿穿內徑

二寸十五分寸之四如是乃與藪相稱也今當作命賈疏已誤

補注以密率計之大穿徑六寸十分寸之一強小穿

徑四寸四十分寸之三弱軸徑四寸五分寸之一強

大穿穿內徑不得過四寸軸之兩端入轂中者稍殺

削之其當大穿處鋸截周遭少許則轂止不內侵

容轂必直陳篆必正施膠必厚施筋必數幬必負榦數色

角反

注容者治轂爲之形容也篆轂約也幬負榦者革轂相應無贏不足

既摩革色青白謂之轂之善

注謂丸漆之乾而以石摩平之

疏云將漆之先以骨丸之待乾乃以石摩

平之革色青白善之徵也

參分其轂長二抃外一抃內以置其轂

注轂長三尺二寸者令輻廣三寸半則輻內九寸半

輻外一尺九寸

凡輻量其鑿深以爲輻廣輻廣而鑿淺則是以大抗雖

有良工莫之能固鑿淡而輻小則是固有餘而強不足

也故竝其輻廣以爲之弱則雖有重任轂不折量音良鑿曹報

反竝音絃

注廣淡相應則固足相任也抗搖動貌弱蓄也今人

謂蒲本在水者爲弱是其類也鄭司農云竝謂度

之弱弱通

補注輻廣不得過三寸輻厚一寸奇蓄厚蓋太半寸

三分之二爲太漸殺至端不得過三分寸之一鄭用

牧曰量其鑿淡以爲輻廣竝其輻廣以爲之弱弱自

與鑿淡相應以覆言之爾抗而不固則轂折轂不能持輻也

參分其輻之長而殺其一則雖有淡泥亦弗之濂也殺色

界反濂讀爲黏女濂反

注殺衰小之也

參分其股圍太一以爲骹圍骹苦教反

注謂殺輻之數也鄭司農云股謂近轂者也骹謂近

牙者也方言以喻其豐故言骹以喻其細人脰近

足者細於股謂之骹羊脰細者亦謂骹

輻必齊平沈必均揉說文作煠而久反

注揉謂以火槁之衆輻之直齊如一也平沈平漸也

鄭司農云平沈謂浮之水上無輕重

直以指牙牙得則無槩而固

槩魚劉反從木熱省聲

注得謂倨句鑿內相應也

內柄同即孟

鄭司農云槩楸也

蜀人言楸曰槩

不得則有槩必足見也

見賢遍反

注必足見言槩大也然則雖得猶有槩但小爾

補注鄭用牧曰足者柄之下柄入鑿中而猶見其足

鑿太寬故也。槩小不足見槩，大則足見無槩而固甚。  
言鑿柄相應不用槩亦固。

六尺有六寸之輪，纓參分寸之二，謂之輪之固。

注輪，箕則車行不掉也。參分寸之二者，出於輻股鑿  
之數也。

補注固，謂不傾掉也。輪不箕，必左右佗搖，故輻蚤用  
偏柄，令牙出於輻股鑿三分寸之二。如此則重執微  
注於內，兩輪訂之而定，無傾掉之患。

凡爲輪行澤者，欲杼行山者，欲倅杼以行澤，則是刀以

割塗也是故塗不附侔以行山則是搏以行石也是

輪雖敝不類於鑿

杼直呂反侔匹侯反  
博徒九反類音客

注杼謂削薄其踐地者侔上下等搏圓厚也類亦敝

也以輪之厚石雖齧之不能敝其鑿旁使之動

凡揉牙外不廉而內不挫旁不腫謂之用火之善

廉當作謙

注廉絕也

說文云熾火熾車網絕也周禮曰揉牙外不熾

挫折也腫癰也

是故規之以眡其圓也萬之以眡其匡也縣之以眡其

輻之直也水之以眡其平沈之均也量其藪以黍以眡

其同也權之以眡其輕重之侔也故可規可萬可水可


縣可量可權也謂之國工

萬音俱


注輪中規則圓矣等爲萬夔以運輪上輪中萬夔則不匡刺也輪輻三十上下相直從旁以繩縣之中繩則鑿正輻直矣平漸其輪無輕重則斲材均矣黍滑而齊以量兩壺無<sub>萬</sub>不足則同侔等也稱兩輪鈞石同則等矣輪有輕重則引之有難易

補注正輪之器名萬亦謂之萬夔蓋與輪等大平可取準萬之縣之猶瓶人之器中膊豆中縣也方言秦晉之間謂車弓曰枸夔二者其狀仿佛故方俗同稱


輪  
材三



# 轂



內小穿  
謂之軹



內大穿  
謂之賢

# 輻

蓄

股

殺之二

句

蚤

轂倨

兵車乘車軫開六尺六寸旁加  
 七寸合兩旁并軾開是為轍廣  
 八尺而轂入輿下者七寸其內  
 地即置伏兔以承軾兩軹之廣  
 凡丈一尺六寸此轂末之軹故  
 書本作軾與輅內之軹宜有別  
 不得一車之中二名溷淆也

牙外出三分寸之二輻股鑿不  
 與蚤所入之鑿相當以蚤有倨  
 句故也外直下為倨內曲剡之  
 為句

輪人爲蓋達常圍三寸桯圍倍之六寸

桯讀如楹

注鄭司農云達常蓋斗柄下入杠中也桯蓋杠也

信其桯圍以爲部廣部廣六寸

信伸古今字

注廣謂徑也鄭司農云部蓋斗也

部長二尺

注謂斗柄達常也

桯長倍之四尺者二

注杠長八尺謂達常已下也加達常二尺則蓋高

丈立乘也

補注鄭用牧曰部厚一寸連於達常通長二尺不計其入程中者程長八尺亦不計其入輿下者程建輿下達常建程中皆宜有數寸取其足相持爲度

十分寸之一謂之枚部尊一枚弓鑿廣四枚鑿上二枚鑿下四枚

注尊高也蓋斗上隆高高一分也弓蓋橈也廣大也

是爲部厚一寸

鑿上下合六分并鑿空四分共一寸也

鑿淡二寸有半下直二枚鑿端一枚

注鑿淡對爲五寸是以不傷達常也達常徑下直二寸弱

枚者鑿空下正而上低二分也其弓蓄則撓之平剡

其下二分而內之欲令蓋之尊終平不蒙撓也端內

題也

二枚一枚皆鑿端弓杪所至欲見鑿空下正故曰下直二枚鑿端一枚便文協句爾

補注弓鑿外大內小外縱橫皆四分內縱二分

下直二枚

是也橫一分

鑿端一枚是也

一下直者對上地爲言鑿下外內同

四分鑿上外二分內四分加部尊焉

弓長六尺謂之庇軹五尺謂之庇輪四尺謂之庇軫

軹當

軹作

注庇覆也杜子春云謂覆幹也元謂軹轂末也與廣

六尺六寸兩轂并六尺四寸旁減軌內七寸則兩軹之廣凡丈一尺六寸也六尺之弓倍之加部廣凡丈二尺六寸有宇曲之減可覆軹不及幹幹鐫古字通胡戛反於文從斗譌作幹非

參分弓長而揉其一

注參分之持長撓短短者近部而平長者爲宇曲也六尺之弓近部二尺四尺爲宇曲

補注弓蓄入鑿中刻其下二分兩旁各刻一分有半鑿空下平直則弓必上仰故揉其近部之二尺使平

外四尺自下迤而成宇曲

參分其股圍去一以爲蚤圍

注蚤當爲爪以弓鑿之廣爲股圍則寸六分也爪圍一寸十五分寸之一

參分弓長以其爲一之尊上欲尊而宇欲卑上尊而宇卑則吐水疾而霑遠

注六尺之弓上近部平者二尺爪末下於部二尺二尺爲句四尺爲弦求其股股十二除之面三尺幾半也上近部平者也隕下曰宇蓋者主爲雨設也乘車

無蓋禮所謂潦車謂蓋車與

蓋已崇則難爲門也蓋已卑是蔽目也是故蓋崇十尺  
注十尺其中正也蓋十尺宇二尺而人長八尺卑於  
此蔽入目

良蓋弗冒弗紘殷畋而馳不隊謂之國工

殷音隱

汪隊落也善蓋者以橫馳於壟上無衣若無紘而弓  
不落也

部厚

一寸

部廣六寸

部通達常長

桿長八尺

中隆二分

達常圍三寸

桿圍六寸

箭

參分

弓長

而揉

其一

蓋弓有八

面三尺幾半

蚤末下於部

二尺為句

蚤

凡句股各自乘并之為弦實弦  
自乘減句自乘餘為股實減股  
自乘餘為句實如圖以二尺為  
句四尺為弦而求其股先以弦  
自乘得弦實十六尺次以句自  
乘得句實四尺兩數相減餘十  
二尺為股實開方除之得股長  
三尺四寸六分有奇故鄭注云  
面三尺幾半也

輿人爲車輪崇車廣衡長參如一謂之參稱

稱尺證反

注車輿也衡之長容兩服

參分車廣公一以爲隧

注兵車之隧四尺四寸鄭司農云隧謂車輿濶也

參分其隧一枉前一枉後以揉其式

注兵車之式濶尺四寸三分寸之二

補注式前車也記不言式較之長一枉前其上三面

周以式則式長九尺五寸三分寸之一也二枉後其

上爲較則左右較各長二尺九寸三分寸之一也

以其廣之半爲之式崇以其隧之半爲之較崇

注兵車之式高三尺三寸較兩轡上出式者兵車自較而下凡五尺五寸

六分其廣以一爲之軫圍

注軫輿後橫者也兵車之軾圍尺一寸

補注輿下四面材合而收輿謂之軾亦謂之收獨以爲輿後橫者失其傳也輶人言軾閒則左右名軾之證也如軾與轡弓長庇軾軾方象地則前後左右通名軾之證也

考工記圖上  
參分軫圍六一以爲式圍

注兵車之式圍七寸三分寸之一

參分式圍六一以爲較圍

注兵車之較圍四寸九分寸之八

參分較圍六一以爲軹圍

軹音只

注兵車之軹圍三寸二十七分寸之七軹騎之植者

衡者也與轂末同名

說見前及釋車

參分軹圍六一以爲轡圍

注兵車之轡圍二寸八十一分寸之十四轡式之植

者衡者也。衡者以其鄉人爲名。

補注鄭用牧曰：較小於式者，在兩旁用力少也。軹，在較下，軹，在式下，長短不同，故軹小於軹。

圓者中規，方者中矩，立者中縣，衡者中水，直者如生焉。

繼者如附焉。

中陟仲反  
直同植

注如生如木從地生如附如附枝之宏殺也。

凡居材大與小無并，大倚小則摧引之則絕。

注并偏衰相就也。用力之時，其大并於小者，小者強不堪則摧也；其小并於大者，小者力不堪則絕也。

棧車欲弇


棧鉏版反  
弇於檢反

注爲其無革輓不堅易圯壞也士乘棧車


飾車欲侈

注飾車謂革輓輿也大夫已上革輓輿

與



輿



參 隧四尺四寸

輈人爲輈輈有三度軸有三理

輈張留反

注輈車轅也

國馬之輈深四尺有七寸

注國馬謂種馬戎馬齊馬道馬高八尺兵車乘車軹崇三尺有三寸加軫與輈七寸又并此輈深則衡高八尺七寸也除馬之高則餘七寸爲衡頸之間也鄭司農云深四尺七寸謂輈曲中

田馬之輈深四尺

注田車軹崇三尺一寸半并此輈深而七尺一寸半

今田馬七尺衡頸之閒亦七寸則軫與轅五寸半則  
衡高七尺七寸

驚馬之軾深三尺有三寸

注輪軾與軾轅大小之減率半寸也則驚馬之車軾  
崇三尺加軾與轅四寸又并此軾深則衡高六尺七  
寸也今驚馬六尺除馬之高則衡頸之閒亦七寸

軸有三理一者以爲媿也二者以爲久也三者以爲利

也軾前十尺而策半之

媿美同軾書  
或作軾音犯

注策御者之策也鄭司農云軾謂式前也

補注車旁曰輶式前曰軌皆揜輿版也軌以揜式前  
故漢人亦呼曰揜軌詩謂之陰自軌至衡頸十尺據  
輶穹隆言式衡之閒八尺幾半也

凡任木任正者十分其輶之長以其一爲圍衡任者五  
分其長以其一爲之圍小於度謂之無任

注任正者謂輿下三面材持車正者也輶軌前十尺  
與隧四尺四寸凡丈四尺四寸則任正之圍尺四寸  
五分寸之二衡任者謂兩輶之閒也  
輶即衡下鳥啄兵車乘  
車衡圍一尺三寸五分寸之一無任言其不勝任

補注輶衡軸皆任木任正者輶也衡任者軸也衡也  
此先發其意下文乃舉其制記中文體若是多矣輿  
下之材合而成方通名軫故曰軫之方也以象地也  
鄭注事以輿後橫木爲軾以輶式之所樹三面材爲  
軾又以軾爲任正者如其說宜記於輿人今輶人爲  
之殆非也輿人爲式較軾輶軾輶輶人爲輶衡軸  
伏兔記不言輶軾衡伏兔之度輶軾輿揜版爾衡圍  
準乎軸伏兔取節於輶當兔省文互見

五分其軾圍以其一爲之軸圍

注軸圍亦一尺三寸五分寸之一與衡任相應

補注左右軫之間六尺六寸軸之長出轂末而以軫間爲度者主乎任輿之六尺六寸也軸橫輿下以任輿卽所謂衡任者

十分其輈之長以其一爲之當兔之圍

注軻當伏兔者也亦圍尺四寸五分寸之二與任正者相應

補注輈所以引車也當兔在輿下正中其兩旁置伏兔車行以輈爲持任之正卽所謂任正者

參分其兔圍太一以爲頸圍

注頸前特衡者圍九寸十五分寸之九

五分其頸圍太一以爲踵圍

注踵後承軫者也圍七寸七十五分寸之五十一

凡揉軻欲其孫而無弧溪今夫大車之轅摯其登又難  
既克其登其覆車也必易此無故惟轅直且無撓也是  
故大車平地既節軒摯之任及其登阨不伏其轅必縊  
其牛此無故惟轅直且無撓也故登阨者倍任者也猶  
能以登及其下阨也不援其邸必縊其牛後此無故惟

轅直且無撓也是故鞅欲順典

孫音遜綸音秋願苦佺反典音殄

注孫順理也太車牛車也摯輶也鄭司農云關東謂

紂爲綸

方言云車紂白關而東周洛韓鄭汝潁而東謂之紂說文綸馬紂也

謂之紂說文綸馬紂也乾馬尾乾也今之般綸

補注小車謂之輶六車謂之轅人所乘欲其安故小

車輶轂梁輶大車在載而已故短轂直轅此假大車

之轅以明揉輶使撓曲之故鄭用牧曰抑伏車轅及

逆援車箱之邱謂益下必恃牽徬助之願典者穹隆

而堅強之貌雖撓不傷其力也

韉深則折淺則負韉注則利準利準則久和則安韉欲  
弧而無折經而無絕

注揉之太深傷其力馬倚之則折也揉之淺則馬善  
負之經亦謂順理也

補注韉注謂深淺適中也韉之曲執隕然下注則車  
行有利準之善利疾速也準猶定也平也

進則與馬謀退則與人謀終日馳騁左不捷行數千里  
馬不契需終歲御衣冠不敝此惟韉之和也

捷或作券  
俗作倦

注韉和則久馳騁載杜左者不罷券尊者杜左

補注契需猶趯懦方言謂畏怯曰契需衽者衣裳之旁削幅也

勸登馬力馬力既竭輶猶能一取焉

注馬止輶尚能一前取道喻勿進

補注登猶進也加也

良輶環濶自伏兔不至軌七寸軌中有濶謂之國輶


注伏兔至軌蓋如式淡兵車乘車式淡尺四寸三分寸之二濶下至軌七寸則是半有濶也輶有筋膠之被用力均者則濶遠鄭司農云環濶謂漆沂鄂如環

補注記反覆言駟之和潛耐久遠亦和之徵

軫之方也以象地也蓋之圓也以象天也輪輻三十以象日月也蓋弓二十有八以象星也龍旂九旂以象大火也鳥旟七旂以象鶉火也熊旗六旂以象伐也龜蛇四旂以象營室也弧旌枉矢以象弧也

注大火蒼龍宿之心其屬有尾尾九星鶉火朱鳥宿之柳其屬有星星七星伐屬白虎宿與參連體而六星營室元武宿與東壁連體而四星觀禮曰侯氏載龍旂弧韞則旌旗之屬皆有弧也弧以張縵之輻有

畫矢於韞



衡


長六尺六寸

衡 兩轡 衡 轡 即

軸

設牽	置伏兔	置轡當兔	置伏兔	設牽
轡	兩轡內五尺二寸			轡

車  
兵車乘  
車田車



釋車

車式較內謂之輿

大車名箱

其深謂之隧

枕輿下謂之軫

輿下四面材合而收輿者說見前方言軫謂之枕

軫謂之收

詩秦風小戎伐收毛傳曰收軫也

揜輿旁謂之輶

說文輶車旁也

式前謂之軹

大馭右祭兩軹祭軹注故書軹為範杜子春云軹當為軹軹謂車軹前也軹人

軹前十尺而策半之注鄭司農云軹謂式前也書或作軹元謂軹是軹濃也謂輿下三面之材輶式之所封特車正也少儀祭左右軹范注周禮大馭祭兩軹祭軹乃飲軹與范聲同謂軹前也詩邶風濟盈不濡

軌毛傳曰由軌已上爲軌今詩軌作軌以合韻改之也說文軌車軌前也从車凡聲周禮曰立當前軌今周禮大行人作前侯又譌爲疾與說文所引不同軌與軌皆與揜版軌之言倚也兩旁人所倚也軌之言範也範圍與前也後鄭說誤辨見前

軌謂之陰

詩秦風陰剗盜績毛傳曰陰揜軌也鄭箋曰揜軌在軌前垂軌上釋名陰陰也橫側

車前以蔭苓也按式前揜版直曰軌累呼之曰約軼

縮騎上者謂之較

左右兩較望之而重故衛風曰猗重較兮毛傳重較卿士之車因詩

辭傳會爾非禮制也

輿前卑於較者謂之式

說文軾車前也曲禮疏古者車箱長四尺四寸而三分前

一後二橫一木下公車牀三尺三寸謂之爲式又於式上二尺二寸橫一木謂之爲較較公車牀凡五尺

五寸此條尺寸本之考工記而所言式較形制則大謬今各經傳注引呂氏大鈞說實曲禮疏之文學者竊涉文義見其明曉又尺寸有據不復深思詳考於是爲車制一大障礙姜氏兆錫曰三分車溪而一前二後者式在車中其前一尺四寸三分寸之二而餘爲後也說同曲禮疏尤顯指式在車中苟如其說曰尺四寸之輿於今尺不盈三尺乃以式較隔斷其中爲礙已甚有是理乎式與較皆車闌上之木周於輿外非橫在輿中較有兩在兩旁式有三面故說文槩言之曰車前鄭康成則曰兵車之式溪尺四寸三分寸之二若橫一木不得有溪矣式卑於較者以便車前射御執兵亦因之伏以式敬

車闌謂之軛

曲禮僕展軛效駕釋文軛盧云車轄頭軛也舊云車闌也說文軛車轄閒橫木

轆車籍交錯也楚辭九辨倚結軛兮長太息涕潺湲兮下霑軛集注軛下從橫木按軛者軛較下從橫木統名即考工記之軛軛也結軛謂軛之衡從交結倚軛而涕霑軛則是倚於軛版內之軛故其涕得下

需軾盧植轄頭軾之說乃因漢時路車之轄  
施小幡謂之飛輪遂以解經爾古無是名也

轄內之輪謂之軾

軾之言積也積者大小枝交結也

式下人所對謂之轡

輪轄謂之牙牙謂之輞

釋名輞罔也罔羅周輪之外也關西曰轄言曲轄也或曰

輞輞縣也縣連其外也

輪轄謂之輻輻近轂謂之股近牙謂之轂

輻端之柄建轂中者謂之蓄蓄沒鑿謂之弱建牙中

者謂之蚤

以偏柄入牙而出之謂之綬

綬箕聲相邇故漢時呼爲輪箕說文箕蔽也所



轂末小釭謂之軒

今竝作軹與轎內之軹溷淆非也大馭右祭兩軹祭軹注故書軹爲

軒杜子春云軒當作軹軹謂兩轆也或讀軒爲簪筭

之筭少儀祭左右軌范注周禮大馭祭兩軹祭軹乃

飲軌與軹於車同謂轆頭也按少儀之左右軌卽大

馭之兩軹軹本作軒譌而爲軌軹軒二字少見非改

爲軹卽譌爲軌學者麤涉古經未能綜貫宜其不辨

陸德明孔穎達諸儒亦時時雜出謬解則未有定識

故也軒從車开聲讀如筭轂末也軹從車凡聲讀如

范式前也軹從車九聲古音居酉反今音居洧反車

轍也軹從車只聲讀如只軹內也軹間六尺六寸軹

八尺軹相去丈一尺六寸兩轆又狂軒外轂末爲軹

軸末爲轆祭軹則兼軹祭左右軹則兼軸

不可以軸末之轆爲軹各之宜辨者也

轂端鎔謂之轄以鐵爲管約轂外兩端說文轄轂端

省也急就篇顏師古注轄轂端之鐵

也

輶謂之軼

離騷齊王軼而竝駝方言關之東西曰輶南楚曰軼趙魏之閒曰鈹鎡說文軼車輶

也

以革幬轂謂之軼

說文亦作軼從革小雅約軼鎔衡毛傳曰軼長轂之軼也朱而約之

疏誤以軼爲長轂名非也軼卽考工記幬革朱而約之者朱其革以幬於榦也惟長轂盡飾大車短轂則

無飾故曰

長轂之軼

軸末謂之轄

史記田單列傳燕師長驅平齊而田單走安平令其宗人盡斷其軸末而傳鐵

籠已而燕軍攻安平城壞齊人走爭塗以轄折車敗爲燕所虜惟田單宗人以鐵籠故得脫方言車轄齊

謂之轄說文車軸端也亦作轄按軸長出轂外者名轄傳鐵籠謂以鐵爲轄故可短

軸當轂釭裹之以金謂之銅

說文銅車軸鐵也釋名銅閒也閒釭軸之閒使

不相摩也

軸端之鍵以制轂者謂之牽

亦作轄轄幹行車者脂缸中以利轉又設牽以

制轂即風載脂載牽小雅閒關車之牽兮淮南子車之能轉二里者其要在三寸轄說文牽車軸端鍵也

轄車聲也一曰鍵也急就篇

注轄豎貫軸頭制轂之鐵也

伏兔謂之鞮

易小畜九三輿說輻大畜九二輿說輹大壯九四壯于大輿之輹說文輹車伏

兔也輹車軸縛也釋名履人履也又曰伏兔在軸上侶之也又曰輹輹伏也伏於軸上也按輹輹實一

字其下有革以縛於軸今易惟小畜作輹蓋輹字少見傳寫者誤輹在轂與牙之閒非可脫者又當連輪

言不當連輿言後人不知輹何物於大壯大畜皆作輹解矣

輿下任正者謂之輶

大車名輶

輶出輶前穹而上謂之胡胡謂之侯

大行人立當前疾注上公立當

輶侯伯立當疾子男立當衡王立當軫與鄭司農云

前疾謂輶馬車轅前胡下垂挂地者惠天牧曰論語

邦彛疏引周禮作前侯云侯伯立當前侯胡下又小

雅蓼蕭章孔疏引大行人亦作前侯侯猶胡也故鄭

注訓為胡以其挂

輶前故曰前侯

輶端謂之頸後謂之踵當兩轂之間謂之當兔

輶謂之衡衡下鳥啄謂之鈎

左傳襄十四年射兩鈎而還服注車輶兩邊又

馬頸者杜注車輶卷者昭二十六年射之中楯瓦繇

胸汰輶七入者三寸杜注入楯瓦也胸車輶說文鈎

輶下曲者小爾雅衡扼也扼上者謂之鳥啄釋名

馬曰鳥啄下向又馬頸似鳥開口向下啄物時也

所以持衡者謂之輶

輶小車無輶其何以行之哉包

咸注輓者轅端橫木以縛輓輓者轅端上曲鈎衡其說誤也韓非子外儲說墨子曰吾不如爲車輓者巧也用咫尺之木不費一朝之事而引三十石之任說文輓車轅端持衡者輓大車轅端持衡者按大車鬲以駕牛小車衡以駕馬轅端持鬲其關鍵名輓輓端持衡其關鍵名輓輓所以引車必施輓輓喻信軻身信之壯人亦交接相持之關鍵故以輓輓喻信軻身上曲上曲非別一物大車之鬲卽橫木橫木卽輓包氏以踰丈之輓六尺之鬲而當咫尺之輓輓疎矣

車蓋之杠謂之程蓋斗謂之部其柄謂之達常

隆屈謂之弓

亦名蓋輦方言車枸簍宋魏陳楚之閒謂之箬或謂之箬籠其上約謂之箬或

謂之箕秦晉之閒自關而西謂之枸簍西隴謂之檣南楚之外謂之蓬或謂之隆屈郭注卽車弓也今亦通呼蓬釋名隆強言體隆而強也或曰車弓但弓曲也其上竹曰郎疏相遠晶晶然也

弓矢謂之股弓末謂之蚤

大車之較謂之牝服其內謂之箱輿有式較卑高之分箱則其上齊平

所以引車謂之輶釋名輶援也車之大援也

輶謂之鬲持鬲者謂之輶說見輶下

輪輶謂之渠小車所謂牙

有輻謂之輪無輻謂之𨇗說文有輻曰輪無輻曰𨇗按雜記輶車鄭注引說文

解之謂輶讀為𨇗又引周禮屋車謂屋𨇗聲相近其制同𨇗崇生乘車之輪又於喪大記君大夫葬用輶士用國車謂輶與國皆為𨇗今考大夫席中有載輶以輶之禮用輶用國車皆謂朝席載輶之車國車即輶軸也既朝席然後用輶車載輶以行鄭氏不以為葬之朝席故誤爾惟周禮之屋車即輶車屋乃假借

字輜其本字也輜車四輪而迫地其輪無輻然鄭氏以爲卽𨋖亦非也輜者車之名𨋖者輪之名不宜溷而一之

攻金之工築氏執下齊冶氏執上齊鳧氏爲聲槩氏爲

量段氏爲鑄器桃氏爲刃

齊才細反段銀古字通丁亂反

注多錫爲下齊大刀削殺矢鑿燧也少錫爲上齊鍾

鼎斧斤戈戟也聲鍾錡于之屬量豆區鬴也鑄器田

器錢鎛之屬刃大刀刀劍之屬

金有六齊六分其金而錫居一謂之鍾鼎之齊五分其

金而錫

一謂之斧斤之齊四分其金而錫居一謂之

戈戟

分六金而錫居一謂之大刃之齊五分其

金而錫居二謂之削殺矢之齊金錫半謂之鑒燧之齊

注鑒燧取水火於日月之器也鑒亦鏡也凡金多錫

則忍白且明也

忍音刃

補注金謂銅錫謂鉛

築氏爲削長尺博寸合六而成規

注今之書刀

欲新而無窮

注謂其利也鄭司農云常如新無窮已



